

В ПОНЕДЕЛЬНИК ПЕРВЫЯ СЕДМИЦЫ СВЯТЫХ ПОСТОВ, НА ПОВЕЧЕРИИ.

Творение святого отца нашего Андрея Критского,
Иерусалимского.

Творим же на кийждо тропарь метания 3.

Глас 6. Песнь 1. Ирмос по дважды.

Ирмос: Помощник и покровитель / бысть мне во спасение, / Сей мой Бог, и прославлю Его, / Бог отца моего, и вознесу Его: / славно бо прославися.

Стих: Помилуй мя, Боже, помилуй мя.

Откуда начну плакати / окайнного моего жития деяний? / Кое ли положу начало, Христе, нынешнему рыданию? / Но яко благоутробен, / даждь ми прегрешений оставление.

Гряди окайнная душе, с плотию твоєю, / Зиждителю всех исповеждься, / и останися прочее предняго безсловесия, / и принеси Богу в покаянии слезы.

Первозданного Адама преступлению поревновав, / познах себе обнажена от Бога / и присносущнаго Царствия и сладости, / грех ради моих.

Увы мне окайнная душе, / что уподобилася еси первой Еве? / Видела бо еси зле, и уязвилася еси горце, / и коснулась еси древа и вкусила еси дерзостно / безсловесныя снеди.

Вместо Евы чувственныя / мысленная ми бысть Ева, / во плоти страстный помысл, / показуяй сладкая / и вкушаяй присно / горькаго напоения.

Достойно из Едема изгнан бысть, / яко не сохранив едину Твою, Спасе, заповедь Адам: / аз же что постражду, / отметаю всегда животная Твоя словеса?

Слава, Троицен: Пресущная Троице, во Единице покланяемая, / возми бремя от мене тяжкое греховное, / и яко благоутробна, / даждь ми слезы умиления.

Богородичен: Богородице, надежде и предстательство Тебе поющих, / возьми бремя от мене тяжкое греховное, / и яко Владычица Чистая, / кающаяся прими мя.

Песнь 2.

Ирмос: Вонми, небо, и возглаблю, / и воспою Христа, / от Девы плотию пришедшаго. (Дважды)

Вонми небо, и возглаблю, / земле, внушай глас, / кающийся к Богу и воспевающий Его.

Вонми ми, Боже, Спасе мой / милостивным Твоим оком, / и прими мое теплое исповедание.

Согреших паче всех человек, / един согреших Тебе: / но ущедри яко Бог, Спасе, / творение Твое.

Вообразив моих страстей безобразие, / любосластными стремленьми / погубих ума красоту.

Буря мя злых обдержит, / благоутробне Господи: / но яко Петру, / и мне руку простри.

Оскверних плоти моея ризу / и окалях / еже по образу, Спасе, / и по подобию.

Омрачих душевную красоту / страстей сластми, / и всячески весь ум / персть сотворих.

Раздрах ныне одежду мою первую, / иже ми изтка Зиждитель из начала, / и отгуду лежу наг.

Облекохся в раздранную ризу, / юже изтка ми змий советом, / и стыждуся.

Слезы блудницы, Щедре, / и аз предлагаю: / очисти мя, Спасе, / благоутробием Твоим.

Возрех на садовную красоту / и прельстихся умом: / и отгуду лежу наг, и срамляюся.

Делаша на хребте моем / вси начальницы страстей, / продолжаяще на мя / беззаконие их.

Слава, Троицен: Единого Тя в трех Лицах, / Бога всех пою, / Отца и Сына и Духа Святого.

Богородичен: Пречистая Богородице Дево, / едина Всепетая, / моли прилежно во еже спастися нам.

Песнь 3.

Ирмос: На недвижимом, Христѣ, камени заповедий Твоих, / утверди мое помышление. **(Дважды)**

Огнь от Господа иногда / Господь одождив, / землю Содомскую / прежде попали.

На горе спасайся, душе, / якоже Лот оный, / и в Сигор угонзай.

Бегай запаления, о душе, / бегай Содомскаго горения, / бегай тления Божественнаго пламене.

Согреших Тебе един аз, / согреших паче всех, Христѣ Спасе, / да не презриши мене.

Ты еси Пастырь добрый, / взыщи мене агнца, / и заблудшаго да не презриши мене.

Ты еси сладкий, Иисусе, / Ты еси Создателю мой: / в Тебе, Спасе, оправдаюся.

Исповедаюся Тебе, Спасе: / согреших, согреших Ти: / но ослаби, остави ми, / яко благоутробен.

Слава, Троицен: О Троице Единице Боже! / Спаси нас от прелести, / и искушений, и обстояний.

Богородичен: Радуйся, Богоприятная утробо, / радуйся, престолу Господень, / радуйся, Мати Жизни наша.

Песнь 4.

Ирмос: Услыша пророк / пришествие Твое, Господи, и убояся, / яко хощеши от Девы родитися / и человеком явитися, и глаголаше: / услышах слух Твой и убояхся, / слава силе Твоей, Господи. **(Дважды)**

Дел Твоих да не презриши, / создания Твоего да не оставиши, Правосуде, / аще и един согреших, яко человек, / паче всякаго человека, Человеколюбче, / но имаши, яко Господь всех, / власть оставляти грехи.

Приближается, душе, конец, приближается, / и нерадиши, ни готовиши: / время сокращается, востани, близ при дверех Судия есть: / яко соние, яко цвет, время жития течет: / что все мятется?

Восприя́ни, о ду́ше моя́, / де́яния твоя́, я́же соде́лала еси́,
помышля́й, / и сия́ пред ли́це твоё́ принеси́, / и ка́пли испусти́ слез
твои́х: / рцы со дерзнове́нием де́яния и помышле́ния Христу́, / и
оправда́йся.

Не бысть в жити́и греха́, ни де́яния, ни зло́бы, / ея́же аз,
Спа́се, не согреши́х / умом и сло́вом, и произволе́нием / и
предложе́нием, и мы́слию, и де́янием согреши́в, / я́ко ин никто́же
когда́.

Отсю́ду и осужде́н бых, / отсю́ду препре́н бых аз окая́нный от
своея́ со́вести, / ея́же ничто́же в ми́ре нужне́йше: / Судие́,
Изба́вителю мой, и ве́дче, / пощади́ и изба́ви, и спаси́ мя раба́
Твоего́.

Ле́ствица, ю́же ви́де дрéвле / вели́кий в патриа́рсах, / указа́ние
есть ду́ше моя́, / де́ятельнаго восхожде́ния, разу́мнаго
возше́ствия: / а́ще хо́щеша у́бо, де́янием, и разу́мом, / и зрени́ем
пожи́ти, обнови́ся.

Зной дневны́й претерпе́ / лишэ́ния ра́ди патриа́рх, / и мраз
нощны́й понесе́, / на всяк день снабде́ния творя́, / пасы́й,
тружда́йся, рабо́таяй, / да две жены́ сочета́ет.

Жены́ ми две разумей, / де́яние же и разу́м в зрени́и, / Ли́ю
у́бо де́яние, я́ко многоча́дную: / Рахи́ль же разу́м, я́ко
многотру́дную: / и́бо кроме́ трудо́в, ни де́яние, ни зрени́е ду́ше,
испра́вится.

Слава, Трои́чен: Неразде́льное Суще́ством, / несли́тное Ли́цы
/ богосло́влю Тя, Трои́ческое Еди́но Божество́, / я́ко
единоца́рственное и сопресто́льное, / вопию́ Ти песнь вели́кую, /
в вы́шних трегу́бо песносло́вимую.

Богородичен: И ражда́еши и де́вствуеши, / и пребыва́еши
обою́ду естество́м Де́ва: / Рождейся обновля́ет зако́ны естества́, /
утро́ба же ражда́ет, не ражда́ющая. / Бог иде́же хо́щет,
побежда́ется естества́ чин: / творит бо ели́ка хо́щет.

Песнь 5.

Ирмос: От но́щи у́тренюющая, / Человеколю́бче, просвети́,
молю́ся, / и наста́ви и мене́ на повеле́ния Твоя́, / и научи́ мя,
Спа́се, / творити во́лю Твою́. (Дважды)

В но́щї жити́е мо́е преидо́х прїсно, / тьма бо бысть и глубока́
мне мгла, но́щь греха́, / но́ яко дне сы́на Спа́се покажи́ мя.

Руви́ма подража́я ока́янный аз, / соде́ях беззако́нный и
законопресту́пный сове́т на Бо́га Вы́шняго, / оскверни́в ло́же мо́е,
яко о́тчее он.

Испове́даюся Тебе́ Христе́ Царю́, / согреші́х, согреші́х, / яко
пре́жде Ио́сифа бра́тия прода́вшии, / чистоты́ плод и целому́дрія.

От срóдников пра́ведная ду́ша связа́ся, / прода́ся в рабо́ту
сла́дкий, / во о́браз Господень: / ты же вся ду́ше, продала́ся еси́ /
злы́ми твои́ми.

Ио́сифа пра́веднаго и целому́дреннаго ума́ / подража́й
ока́янная, и неиску́сная ду́ше, / и не оскверня́йся безсловесными
стремле́ньми / прїсно беззако́ннуюющи.

А́ще и в ро́ве поживе́ иногда́ Ио́сиф, / Влады́ко Го́споди, /
но во о́браз погребё́ния и воста́ния Твоего́: / аз же что Тебе́ когда́
сицево́е принесу́?

Слава, Трои́чен: Тя Трои́це сла́вим, Еди́наго Бо́га: / Свят,
Свят, Свят еси́ О́тче, Сы́не и Ду́ше, / прóстое Суще́ство, /
Еди́нице прїсно покланя́емая.

Богородичен: Из Тебе́ облече́ся в мо́е смешё́ние, / нетле́нная,
безму́жная Ма́ти Де́во, / Бог созда́вый ве́ки, / и соедини́ Себе́
челове́ческое естество́.

Песнь 6.

Ирмос: Возопі́х всем се́рдцем мо́им / к ще́дрому Бо́гу, / и
услы́ша мя от а́да преиспо́дняго, / и возведе́ от тли живо́т мой.
(Дважды)

Сле́зы Спа́се о́чию мо́ею, / и из глубины́ воздыха́ния / чи́сте
приношу́, вопию́щу се́рдцу: / Бо́же, согреші́х Ти / очисти́ мя.

Укло́нилася еси́ ду́ше, от Го́спода твоего́, / якоже Дафа́н и
Авиро́н: / но пощади́, воззови́ из а́да преиспо́дняго, / да не
пропа́сть земна́я тебе́ покры́ет.

Я́ко ю́ница ду́ше разсви́репевшая, / уподо́билася еси́
Ефре́му, / яко се́рна от тенёт сохрани́ жити́е, / впері́вши дея́нием
ум, и зрё́нием.

Рука́ нас Моисе́ова да уве́рит душе́, / како́ мо́жет Бог
прокаже́нное жити́е / убелíti, и очисти́ти: / и не отча́йся сама́
себе́, / а́ще и прокаже́нна еси́.

Слава, Трои́чен: Трои́ца есмь прѡста, неразде́льна, / разде́льна
Ли́чне, / и Еди́ница есмь Есте́ством соедине́на, / Оте́ц глаго́лет, и
Сын, и Божество́нный Дух.

Богородичен: Утроба́ Твоя́ Бо́га нам роди́, / воображе́на по
нам: / Егѡ́же я́ко Созда́теля всех, моли́ Богороди́це, / да
моли́твами Твои́ми оправди́мся.

Таже: Го́споди, поми́луй. **(Трижды.)** Сла́ва, и ны́не:

Кондак:

Душе́ моя́, душе́ моя́, воста́ни, что спи́ши? / Конѣ́ц
приближа́ется, и има́ши смутítiся. / Воспряни́ убо, да пощади́т
тя Христо́с Бог, / везде́ сый и вся́ исполня́й.

Песнь 7.

Ирмос: Согрешихом, беззакѡ́ннахом, / неправдо́вахом пред
Тобо́ю, / ниже́ соблюдо́хом, ниже́ сотвори́хом, / я́коже запове́дал
еси́ нам; / но не преда́ждь нас до конца́, / отце́в Бо́же. **(Дважды)**

Согреших, беззакѡ́ннах, / и отверго́х за́поведь Твою́, / я́ко
во гресе́х произведо́хся / и приложих я́звам стру́пы себе́: / но Сам
мя поми́луй, / я́ко Благоутро́бен, отце́в Бо́же.

Та́йная се́рдца моего́ / испове́дах Тебе́ Судии́ моему́, / виждь
моё смире́ние, / виждь и скорбь мою́, / и вонми́ суду́ моему́ ны́не,
/ и Сам мя поми́луй, я́ко Благоутро́бен, / отце́в Бо́же.

Сау́л иногда́ я́ко погуби́ отца́ своего́ душе́ осля́та, / внеза́пу
ца́рство обре́те к прослу́тию, / но блюди́, не забыва́й себе́, /
скѡ́тския по́хоти твоя́ / произво́ливши па́че Ца́рства Христо́ва.

Дави́д иногда́ Богооте́ц, / а́ще и согрешí сугубо́ душе́ моя́, /
стрело́ю убо́ устрелѣ́н быв прелюбодѣ́йства, / копи́ем же пленѣ́н
быв убий́ства томлѣ́нием, / но ты сама́ тяжча́йшими де́лы
неду́гуеши, / самохо́тными стремлѣ́ньми.

Совокупи́ убо́ Дави́д иногда́ беззакѡ́нию беззакѡ́ние: /
убий́ству же любодѣ́йство раство́рив, / пока́яние сугубо́е показá

áбие: / но самá ты лукавнейшая душé соделала еси́, / не пока́вшисья Бóгу.

Давíд иногда́ вообрази́, / списáв я́ко на икóне песнь, / ёюже дея́ние обличáет, ёже соде́я, зовы́й: / помíлуй мя. Тебé бо Еди́ному согреши́х всех Бóгу, / Сам очисти́ мя.

Слава, Трои́чен: Трóице прóстая, неразде́льная, / единосúщная, и Естество́ еди́но, / Светове, и Свет, и Свята́ три, и еди́но Свято́ / поётся Бог Трóица: / но воспóй, просла́ви, Живóт и Животы́, душé, / всех Бóга.

Богородичен: Поём Тя, благословím Тя, / поклоня́емся Ти Богороди́тельнице, / я́ко неразде́льные Трóицы породила́ еси́ еди́наго Христа́ Бóга / и Самá отвёрзла еси́ нам / сúщим на земли́ небéсная.

Песнь 8.

Ирмос: Егóже во́инства Небéсная сла́вят, / и трепéщут Херувíми и Серафíми, / вся́ко дыха́ние и тварь, / по́йте, благослови́те / и превозноси́те во вся вéки. (Дважды)

Согреши́вша Спа́се помíлуй, / воздвигни́ мой ум ко обра́щению, / приими́ мя ка́ющагося, ущéдри вопи́юща: / согреши́х Ти, спаси́, / беззакóнновах, помíлуй мя.

Колесни́чник Или́я, / колесни́цею добродéтелей вшед, / я́ко на небеса́, ноша́шеся / превы́ше иногда́ от земных: / сего́ у́бо душé моя́, восхо́д помышля́й.

Елиссéй иногда́ приём ми́лоть Или́ину́, / прият сугубую́ благода́ть от Бóга: / ты же о душé моя́, сея́ не причастíлася еси́ благода́ти / за невоздержáние.

Иорда́нова стру́я пёрвее, ми́лотию Или́ино́ю / Елиссéем, ста сýду и сýду: / ты же, о душé моя́, сея́ не причастíлася еси́ благода́ти / за невоздержáние.

Сомани́тида иногда́ / пра́веднаго учреди́, о душé, нра́вом благím: / ты же не ввела́ еси́ в дом, / ни страна́на, ни пúтника. / Те́мже черто́га изри́нешися вон, рыда́ющи.

Гиези́ев подража́ла еси́ ока́янная / ра́зум сквёрный всегда́ душé, / егóже сребролю́бие отложи́ понé на ста́рость: / бега́й геéнскаго огня́, / отступивши́ злых твои́х.

Слава, Троицен: Безначальне Отче, Сыне собезначальне, /
Утешителю Благий, Душе Правый: / Слова Божия Родителю, /
Отца безначальна Слове, / Душе живый и зыждай, / Троице
Единице помилуй мя.

Богородичен: Яко от оброщения червленницы Пречистая, /
умная багряница Еммануилева, / внутрь во чреве Твоем плоть
исткася: / темже Богородицу воистинну Тя почитаем.

Песнь 9.

Ирмос: Безсеменнаго зачатия Рождество несказанное, /
Матере безмужныя нетленен Плод, / Божие бо рождение
обновляет естества. / Темже Тя вси роды, / яко Богоневестную
Матерь, / православно величаем. **(Дважды)**

Ум острупись, тело оболезнися, / недугует дух, слово
изнеможе, / житие умертвися, конец при дверех. / Темже моя
окаянная душе, что сотвориши, / егда придет Судия испытати
твоя?

Моисеево приведох ти душе, миробытие, / и от того все
заветное писание, / повещающее тебе праведныя и неправедныя: /
от нихже вторья, о душе, подражала еси, а не первая, / в Бога
согрешивши.

Закон изнеможе, празднует Евангелие, / писание же все в тебе
небрежено бысть, / пророцы изнемогоса, и все праведное слово: /
струпи твой, о душе, умножишася, / не сущу врачу исцеляющему
тя.

Новаго привожду ти писания указания, / вводящая тя душе, ко
умилению: / праведным убо поревнуй, грешных же отвращайся, /
и умилостиви Христа молитвами же и пощеньми, / и чистотою, и
говением.

Христос вочеловечися, / призвав к покаянию разбойники, и
блудницы: / душе покайся, дверь отверзется Царствия уже, / и
предвосхищают е фарисее и мытари / и прелюбодее кающиеся.

Христос вочеловечися, / плоти приобщився ми, / и вся, елика
суть естества хотением / исполни греха кроме, / подобие тебе, о
душе, / и образ предпоказуя Своего снисхождения.

Христос волхвы спасе, / пастыри созва, / младенец множества
показа мученики, / старцы прослави, и старья вдовицы, / ихже не
поревновала еси душе, ни деянием, ни житию, / но горе тебе,
внегда будеши судитися.

Постився Господь дней чотыредесять в пустыни, / последи
взалка, показуя человеческое: / душе, да не разленишия, аще
тебе приложится враг, / молитвою же и постом от ног твоих да
отразится.

Слава, Троицен: Отца прославим, Сына превознесем, /
Божественному Духу верно поклонимся, / Троице нераздельней,
Единице по Существу, / яко Свету и Светом, и Животу и
Животом, / животворящему и просвещающему концы.

Богородичен: Град Твой сохраняй / Богородительнице
Пречистая, / в Тебе бо сей верно царствуй, / в Тебе и
утверждается, / и Тобою побеждаяй, / побеждает всякое
искушение, / и пленяет ратники, / и проходит послушание.

Преподобне отче Андрее, моли Бога о нас.

Андрею: Андрее честный, и отче треблаженный, /
пастырю Критский, / не претай моляся о воспевающих тя: / да
избавимся вси гнева и скорби, и тления, / и прегрешений
безмерных, / чтущии твою память верно.

Таже поем оба лика ирмос: Безсеменнаго зачатия Рождество
несказанное, / Матере безмужныя нетленен Плод, / Божие бо
рождение обновляет естества. / Темже Тя вси роди, / яко
Богоневестную Матерь, / православно величаем.